



Erinnerung Von D. Coelestini heimlich ausgesprengten Büchlin von der Erbsünde.

<https://hdl.handle.net/1874/432993>


Erinnerung
Von D. Coelestini

heimlich ausgesprengten
Büchlin von der Erbs
sünde.

*

Durch

Die Theologen zu
Ihena.



Gedruckt zu Ihena durch Donatum
Rickenhan / Anno
1572.

Erhalten

Don. A. Reichlin

Lehrer an der

Landes-Universität

1872

Landes-Universität

1872



Landes-Universität

1872

1872

Dem Christlichen Leser.

E hat D. Joh. Frid. Goelestinus of-
fentlich im auditorio in der Schulen alhier
er sich angemasset der falchen Manicha-
ischen lehre / das die Erbsünde sey Sub-
stantia. Er hat auch bisher etliche zeit eine Schrift
von solcher seiner meinung / beide allhier vnd anders-
wo ohne schew ausgestrewet. Endlich ehe er wegge-
zogen / es lassen heimlich anderswo drucken. Solch
buch hat er vnsern auditoribus zugeschrieben / durch
seine leute solche exemplar hie vnnnd draussen ausge-
breitet vnnnd ergernis ginstiffet. Er greiffet auch nicht
das geringste Denbstücke Christlicher lehre an. Ver-
teidigt ein alte verdampfte Ketzerey der Manicheer.
Verdampft rechte vnnnd reine lehre / vnnnd lehrer.

Wn wil Gottes Wort nicht / das die ordent-
liche Professores vnnnd diener des Göttlichen Worts
allhier / sollen blinde Wechter oder Stunne hunde
sein. Christus sagt / sehet euch für / für den falschen
Propheten / S. Paulus befielet / die widersprechens-
de zu wiederlegen / Item / heisset Wachen / vnnnd auff-
sehen auff die herde.

Derwegen dringt vnnnd zwingt solcher frenel /
vnnnd lesterhafftige / ergerliche / verschlagene / numals
in druck ausgegangene Schrift / das wir Ampts-
A ij hal

halben/die Wahrheit vnd Gottes ehr zu retten/ vnd
vnser zuhörer vnd Scheffler / treulich für Gist
vnd Schaden zu warnen/etwas darwider müssen im
Druck lassen ausgehen.

Es ist vns leid das D. Coelestinus in den Ma-
nichaischen Schwarm sich so tieff vnd weit einles-
set / vnd das er nach dem Müelstein des ergernis
Matth. 18. wenig fraget/ vnd immer je ferner / von
der Wahrheit / gleich als fürsetzlich abgleitten wil.
Aber weil er sich nicht halten lassen wil / müssen wir
gleichwol die Kirche bey vns warnen/ vnd dem Er-
gernis / soviel Gott Gnade gibt wehren.

Es hat zwar D. Coelestinus den mund in der
Dorrede voll genommen/ leftert vnd leuget grausam-
lich/ als solten die jenigen/ so den Irrthumb der Ma-
nicheer aus Gottes Wort gründlich vnd klar wie-
derlegen / die arge Natur gut preisen / die Erbsünde
gering machen / den freien willen stercken / das ver-
dienst Christi verkleinern. Aber lieben Christen / ist
das nicht eine grosse / Gottlose vnverschamtheit/ sol-
ches nicht mit einem einigen worte zubeweisen? Wen
man lesterung vnd lügen so öffentlich auswirffet/
ist das genugsam? Nein/ für verstendigen Christen
sagt man / das es keinem nicht zustehe / vnd darzu
wil er vnschuldige Kinder / ohne alle beweis / damit
beklicken/ wehe Spricht Christus / wer der kleinsten
einen ergert etc. Sagen derwegen / das vns hertzlich
leid ist / das Coelestinus sich der schrecklichen lügen
also beflisigt / vnd preiset den Manichaischen
Schwarm/ als solte der recht von der Erbsünde ha-
ten/

ten/vnnd lehren /vnnd das verdiense Christi preisen.
Behüte lieber Gott / welche ein grosse Gotteslestes-
rung schützet der Mensch heraus / Gott bekehre ihn.
Aber danon vnnd dergleichen stücken / sol zur andern
zeit mehr / ob Gott wil /an tag komen.

WEl wir aber eine Kurtze Erinnerung / von
der Schrift Coelestini / bereit langst mit Gottes hülff
se / fertig gebat / haben wir nötiger vnterricht vnnd
warnungs halben / auff dismal der Kirchen zu gute /
weil er sein gedruckte Buch hin vnd wieder auswirfft /
dieselbe wollen lassen ausgehen / vnnd da es nötig
sein wird / zu ferner Erklerung vnnd ausfüh-
rung / durch Gottes hülff vns erbotten ha-
ben. Got der allmechtige erhalte sei-
ne Wahrheit / zu ehereu seines
Nahmens /vnd vieler
leute Seligkeit
Amen.



Erinnerung.

Von D. Goelestini heimlich ausge-
sprungen büchlin.

Wenn in hohen Religions sachen wie-
derwertige Streite fürfallen/nach dem Spru-
che / Ich wil feindschafft setzen zwischen dir
vnd dem Weibes samen/ Gene. 3. so siehet man
zu allen zeiten viererley leute fürnemlich / als :

ETliche fallen der Wahrheit sein richtig bey / vnd ver-
dammen Irrthume vnnnd falscheit / aus Gottes erleuch-
tung vnd regierung durch sein Wort/wie es Gott auch ge-
beyt.

ETliche nemen die Irrthume vnnnd falsche lehre an/
entweder aus grober bosheit/ oder aus listiger schalckheit/
von ehr vnnnd nutz wegen/wieder Gottes befehl.

ETliche wollen zwischen der Wahrheit vnnnd lügen/
Christo vnd Belial ein mittel treffen/sie vereinigen/also/dz
beides theil/sol recht haben / vnd sicken ohne vnterlas vber
den Cothurnis/auch wieder Gottes Wort/der solches ver-
botten / vnnnd ist ein vnmöglich vnnnd schedlich ding.

ETliche meinen / man sol beide theil schweigen oder
vnterdrücken/als weren es Personahl handel oder wortge-
zenck. So wird der gerechte mit den vngerechten/die War-
heit mit der falscheit / wieder Gottes Wort vntergedrückt/
welches den der Weltweisen vrtheil pflegt zu sein.

DAs es nun vber dem Streit von der Erbsünde/ ob
die

die Erbsünde sey Substantia / Leib vnnnd Seel des Men-
schen selbs / welchen Irrehumb vor tausent jaren / der Erzt-
ketzer Manichæus vnd zu vnser zeit Illyricus erregt vnnnd
verteidigt / vnd demselben Morlinus / Kennicus / wir vnd
andere Theologi / Gottes befehl vnd irem ampte nach wie-
dersprochen / auch also gehet / das ist nichts neues. Denn da
man Gottes Wort handelt / scheiden sich Gott vñ Teuffel /
rechte Christe vnd falsche / liebhaber der Wahrheit vnd Zeu-
chler. Da heisset es / wer mich liebet der wird mein Wort hal-
tē. Item / wer nicht mit mir ist / der ist wider mich / wer nicht
mit mir samlet / der zustrewet. Item / wer mich bekennet für
den Menschen. Item / eines frembden. Stimme folgen sie
nicht nach. Item / Ein Prediger sol mechtig sein zu ermah-
nen durch die heilsame lehre / vnnnd zu straffen die wieder-
sprecher. Item / welchen man mus das maul stopffen / die
gantze heuser verkehren / vnnnd lehren das nicht taug etc.

Wn ist vns hertzlich leid / das Illyricus mit sei-
nem Manicheischen Schwarm nicht auffhöret / die gantze
Kirche Christi in deutschland zuturbirn / vnnnd sonderlich
in diesen Landen / durch sein stetig schreiben priuatum vnnnd
publice / nicht vnterlesset / alles irre / vntuig / vnnnd rumo-
risch zumachen / da ihme doch gar kein ampt in diesem lan-
de jetz befohlen.

ES ist vns auch hertzlich leid / das D. Coelestinus
bisher nicht hat wollen mit richtigem fusse zur Wahrheit
gehen / vnnnd wie ein Rohr hin vnnnd her geschwancket / bis
das er endlich gar in den Manicheischen Koth hienein fel-
let / sich darin vertieffet / vnnnd jemmerlich weltzet.

ERstlich hat er Doct. Johan. Fride. Coelestinus / in
die Propositiones D. Wigandi manu propria geschriben /
wer leret / das peccatum Substantia sey / der sey Anathema.

3Um andern hat er mit deutlichen / bürren / Harn
worten zu vns gesagt / die lehre / das Die Erbsünde sey Sub-
stantia / sey impia & blasphemam / das ist / Gottlos vnd Gote
teslesterisch.

Darnach hat er gesagt / dieselbe lehre sey ein Paradoxa
on / das ist eine abenteuerliche vnnnd nicht richtige lehre.

4Vrs vierde hat er gesagt / die rede / die Erbsünde sey
Accidens / das ist / ein schade im Menschen / Komme er nicht /
also schlecht verdammen.

5Tzt sellet er aus Gottes schwerem gerichtte gar da-
hin / eben in die lehre / die er als impiam & blasphemam
(dem das sind seine eigene wort) selbst verdampt hat.

6X hat auch mit vns / wie wir freundlich gesucht /
vnnnd vnserer Facultet Statuta mit sich bringen nicht
wollen dauon conferim / wie er auch hernachmals abrum-
pire hat ein colloquiu / kan zu seiner zeit da es nöthig sein wü-
de / wie auch viel andere Historica mehr angezeigt werden.

7Wil dan D. Coelestinus von vns ihme nicht mehr
wil lassen dienen / darzu wir vns stets erboten / So müssen
wir es auch dem lieben Gotte befehlen / welchen wir hertze-
lich bitten / er wolle ihnen aus den Irrwegen / aus Gnaden
wider zurechte bringen. **AMEN.**

8Nach der lenge fern / seine Schrifften / so er nicht vns /
wie es nach der ordnung Christi / vnnnd vnser Facultet Sta-
tuten / die er selbs vnterschrieben / sich hette gebüret / als ver-
manungen / oder wie ers nemen möchte / oberhand zuverle-
gen ist ohn nöth. Wenn er mit vns Persönlich hette dauon
wollen Conferim / hette man ihme / so fern er die Warheit ge-
suchte vnnnd geforschet / auch der gehorchen hette wollen /
leicht

leichlich durch Gottes Gnade rahten vnnnd dienen können/
wollen nur etliche stücklein / den einfeltigen zur warnung
erzelen. Denn ausführlichere Schrifften von diesem Streite/
werden ob Gott wil in wenig tagen ans licht komen/das
hin wir den Gottsfürchtigen leser weisen.

Was nun dienerwe Bekenntnis D. Coelestini anlangt/
achten wir ein jeder Christe/ der sie lieset/ kan durch Gottes
hülffe leichtlich darin sehen diese stücke.

Erstlich das kein einfeltiger darans / die nötige le-
hre von der Erbsünde/ kan lernen noch fassen/ sintemal es al-
les verworren / verzwickt / vnnnd listiglich gesetzt vnnnd zu-
brochen ist.

Zws ander / das er den izigen Streit von der Erb-
sünde/ ob dieselbe/ die Substantz/ das Wesen/ die Seele/ das
hertz selbst sey oder nicht? nicht fein ausdrücklich vnnnd ri-
chtig handelt/ wie sichs gebürt / sondern mit verschlagenen
worten nur einwickelt/ vnnnd wie in einem wirbelwinde sich
darinnen umbhehr drehet vnnnd kreuselt.

Zws dritte setzet er keine beschreibung der Erbsünde.

Zws vierde meinet er / es sey gnug / das er den gan-
zen Streit wil verdecktich machen/ als sey er zu hoch / sub-
til vnnnd scharff/ vnnnd eitel haderige Schuldspatationes
das niemant dieselben verstehen könne. Aber ein einfeltiger
Christ/ der seinen Catechismum lernet/ der weis vnnnd bekennet
ja / das Gott ihme Leib vnnnd Seele gibet vnnnd erhelte/
vnnnd dargegen/ das ihme Gott nicht die Sünde gebe vnd
erhalte. Item/ es ist ja keiner so kindisch oder vnuerstän-
dig/ der da nicht wüßte oder verstünde/ das Leib vnnnd Se-
ele/ vnnnd darnach die Sünde/ nicht einerley/ Sondern zwey
erley sein. Nicht sagen wir / das man aus der Verunnst
wüßte eigentlich/ was Sünde sey / Aber das sagen wir/ das
es nicht zu hoch noch subtil/ das man sagt / der Leib vnnnd
die

die Sünde / die Seele vnnnd die Sünde / sind nicht eitterley ding. Das was ja ein jeder / das krankheit vnnnd der Leib zweierley sind. Ja die heilige Schrifft leret viel anders von der Seelen Wesen / was ihr ankunfft / was ihr Wesen vnnnd nutz sey / denn von der Sünde / vnd hat ein jeder stück seine Lehr vnnnd eigenschafften in Gottes Wort.

Item / ein kind kan sagen / die zehen Gebott verbieten die Sünde / sie verbieten aber nicht Leib vnnnd Seele / für vnnnd an sich selbst / ob sie gleich Leib vnnnd Seele straffen / darumb / das die Sünde darein komen ist / vnnnd darinnen ist / ohne Gottes schaffung / willen vnnnd ordnung.

Item / das Christus / Leib vnnnd Seele der Menschen von der Sünde hat erlöset / auff das Leib vnnnd Seele von der Sünde gefreiet vnnnd erlediget würden / vnd ewig leben / vnd hat nicht die Sünde erlöset zum leben.

Item / sie bitten im Vater vnser / das vns Gott vnser Schuld / das ist / die Sünde vergebe / vnnnd von allem vbel erlösen wolle. Aber sie bitten nicht / das vns Gott Leib vnd Seele vergebe / oder Leib vnnnd Seele ewig hinweg von vns thue etc.

Daraus erscheinet / das auch die kinder müssen das wissen / das sie im Vater vnser beten / ob ihnen die Seele soll vergeben werden / oder die Sünde? Ja sie müssen aus dem ersten Artickel des Glaubens / die Manicheische meinung verwerffen vnnnd verdammen. Denn schaffet vnd g:bt Gott Leib vnnnd Seele / so mus ja die Sünde nicht Leib vnd Seele sein an sich selbst / Denn die Sünde ist nicht von Gott / sondern vom Teuffel / Psal. 5. Genes. 3.

Vrs fünffte wirfft D. Coelestinus es seltzant durch einander / was die Propagation der Menschen anlanget. Denner nicht sein deutlich vnterscheidet / was Gottes Werck in teglicher erschaffung der Menschen / vnnnd was
des

des Teuffels vñ der Menschen Werck sey. Denn Gott schaf-
fet nicht die Sünde. Gott erhalt auch die Sündenicht/
Sondern er schafft vñd erhalt Leib vñd Seele der Men-
schen/wie vnser heilige Catechismus leret. Dz aber im bluts-
tröpflein der Eltern / daraus die Menschen von Gott er-
schaffen werden/ Sünde ist/ vñd dieselbe auff alle Mensch-
en/so von Man vñd Weib geborn werden / fleusser/ das ist
nicht Gottes Werck oder geschöpffe/ Sondern es kömpt
aus vñd von den Eltern. Gottes ordnung ist / das aus den
Eltern/ Das ist/ aus ihrem bluts tröpflein sollen Menschen
werden. Aber das in dem bluts tröpflein Sünde oder unrei-
nigkeit ist/ das ist nicht von Gotte / gehört auch vnter seine
schepffung nicht/ Sondern ist vñd bleibt ein vnflut in vñd
aus den Menschen / welchen sie für sich auff vñd in ihre
noch kómen erben/ dessen dan der leidige Teuffel ein vrsacher
vñd stiffer ist/

In solchen verdrehet sich D. Coelestinus/ vñd stel-
let sich als wolle er vnterscheiden/ vñd brewets doch vnter-
einander / zeucht auch nicht richtig D. Luthers Schrifft
auff gegenwertigen handel an/ vñd ist ja klar / wie D. Lu-
ther sonst lehret/ das man Gottes Werck/ vñd des Teu-
fels Werck im Menschen/ vleisig vnterscheiden/ vñd nicht
durch einander brewen sol / wie dauon in Wigandi Büch-
lin D. Luthers wort deutlich vñd klar angezogen.

Vrs sechste brauchet D. Coelestinus diese wort/ We-
sentlich vnrein / Wesentlich verderbung / welche er auff
schrauben listiglich setzet / denn er kan sie deuten/ das sie so-
viel heissen/ das das ganze Wesen des Menschen durch die
Sünde verderbt vñd verunreinigt were / wie wir auch leh-
ren vñd recht ist. Item / er kan sie deuten / wie dann sein
intent dahin gerichtet / das die Sünde sey das Wesen/ wie
die Manicheischen newe Schwermier jzt fürgeben/ zu wel-
chen er sich denn nuemals auch bekent. Gott helffe jme zu-
rück heraus.

Vrs siebende / Das D. Coelestinus das wort *Accidens* / so in wiederlegung der Manichaischen Schwermeyrey für tausent Tharen in der Kirchen Christi von Augustino / vnd andern fürtrefflichen lehrern ja auch zu vnser zeit gebraucht / auff seine weise verdrehet / vnd doch nichts dages gen auffbringen oder beweisen kan / lassen wir nicht alleine als seinen vnuerstand / Sondern nach gangsamem bericht / als seinen fürsätzlichen willen / immer hinlauffen / vnd wird in andern vnsern Büchern Gott lob / gangsam widerlegt / vnd werden ob Gott wil / in einer kürze mehr errinnerungen dauon ausgehen.

Vrs achte / das D. Coelestinus verdampt diese reze / Die Erbsünde sey *Accidens separabile* / Damit aber verdampft er *D. Lutherum* / wie wir achten aus vnuerstand / dem *D. Luther* in Gene 38. klar sagt / *Peccatum & mors sunt mala separabilia* / Das ist / die Sünde vnd der Tod sind solche vbel / welche können abgesondert werden. Wer es aber absondert / wird sonst erklaret / nemlich / Gott / vnd nicht wir Menschen. Es sehet aber eine newerung alhier in diesem leben an / vnd wird in der auferstehung die absonderung der Sünde von vns aus Leib vnd Seele der glaubigen Menschen gantzlich geschehen. Also müssen aber antlauffen / welche sich wieder die warheit setzen /.

Vrs neunnde / das er wie eine Otter vnserer Bücher antzisset / vnd anruffelt / als hette man zuuor auch auff Manichaische art geleret / ist eine gesuchte vnd vnuerchampte verleumbdung / welcher sich pflegen zugebrauchen falsche lerer / welche sonst keinen grund haben / vnd sol er in ewigkeit nicht beweisen / das wir geleret hetten / in jergend einem vnsern Buche / die Erbsünde ist *Substantia* / ja das würlin bey seinem hertzen wird nie sagen vnd bezeugen / denn er weis es / das wir je vnd allwegen der Manichaischen lehre / die Erbsünde ist *Substantia* wedersprochen haben.

Er zwacke aber etliche w'relin aus vnsern Büchern / da doch eben dieselben Bücher ganz vnd öffentlich wieder der Manicheer lere sind / so deutlich vnd klar / das man sich der vnartigen / vnfertigen Calumnien mus verwundern. Aber es ist bereit offft gesagt / wenn die Manicheer etliche vnserere wort / auff iren Schwarm wollen dehnen vnd ziehen / das wir ehr solche wort / gedencfen aus vnsern Büchern wegzunehun / damit ja kein Schwärmer sich damit zu behelffen habe / Aber hierin verrathen sich die Manicheer / das sie wenig grund haben / wie gesaget / vnd alleine sich benleisigen anderer leute rede zumerkehren / Gott bekehre sie.

3 Urs zehende / ist es ein sehr böser anhang / man soll es mit denen halten / so die Erbsünde gros machen / es stehe vmb die wort vnd reden / oder sie lauten / wie er spricht / etwan wie es wolle. Denn S. Pauli / ja des heiligen Geiffes wort vnd befehl ist / das wort vnd rede sollen Analoga fidei / Das ist / dem Glauben ehlich sein. Item / das man allen bösen schein meiden sol / beide in Worten vnd Wercken. Item / wie kan die reine lehre Göttliches Wortes vnd Lutheri erhalten werden / wo die wort der Manicheer böse / falsch vnd Gottes Wort entgegen. D. Maior sagt auch / seine meinung sey gut / vnd man soll vmb die wort nicht streitten. Nein lieber gefell / da die wort / wie sie da legen vnd lauten / Gottes Wort zuwieder / falsch vnd böse sind / so heisset es nicht etwas sonsten gros machen / vnd es möge etwan vmb die wort stehen wie es wolte / wie D. Coelestinus jz redet.

Wer als denn sol man nicht von worten einen zank erregen / wenn dieselbe nicht wieder Gottes Wort sein / oder aber einem etliche wort entfahren / die gefehrlich / oder im Streit nicht möchten bestehen / vnd man keine falsche lehre damit hat wollen bestetigen / vnd so man dauon erinnert wird / nicht wil fürsziglich verteidigen.

Wer in diesem Streit/ob die Erbsünde sey Substantia / das Wesen / das hertz / die Seele selbst / ist die rede/die wort an sich selbst Manicheisch / falsch / ketzerisch / Gottes Wort vnd dem Catechismo zuwieder / so hell vnd klar/ das auch D. Coelestinus nicht darff fein deutlich heraus vnd aufrichtig die wort verteidigen/ das wir den andern vnzehlichen gewolichen/ Gotteslesterischen/ reden/so Illyricus in seinen Büchern hat/ auff dismal geschweigen.

Item/ Illyricus/ Coelestinus vnd andere/ sind oftmals mit gneem grunde von der falschen lehre vnd rede erimert/ vnd lassen dennoch nicht nach. Sondern in allen Büchern Illyrici wird die Conclusion dahin geschlossen/ die Erbsünde sey Substantia.

Derwegen lassen sich falsche vnd Gotteslesterische wort / die wieder Gottes Wort noch Lutherus geführt/ nicht also vertuschen vnd vorleisten.

Es ist auch nicht ein geringe Sünde/der Gotteslesterung alzu nahe/das er vmb sich sticht/ als solte die lere/ das die Erbsünde nicht sey Substantia/ Sondern sey wie es S. Paul vnd D. Luther nennet / der Sawrtzig / welcher die Natur oder Substantz eingenomen vnd verderbt hat/ den Erbschaden / vnd die wolthaten Christi verkleinern / vnd Bepfliche Irthume einführen. Denn solches solte durch gute/klare/ fesse/ beständige gründe ausgeführt vnd bewei set werden / ehe dann man so gewolich heraus Promunciret. Wir sagen aber dagegen / das solche rede ungegründet / falsch / wieder Gottes Wort vnd den Catechisimum.

Item/ das die lehre die Erbsünde ist ein Wesen / oder das Wesen/ den beides setzen die newen Manicheer/ sey wider den Artikel von der Schöpfung / wider das tewre verdienst

dienst Ihesu Christi/wider die Widergeburt/wider die auf-
erhebung/ vnd in Summa/wider den ganzen heiligen Ca-
techisimum/wie solches in vnsern vnd anderer Christlichen
lehrer Bücher ausführlich vnd bestendig wird dargethan.
Gott gebe D. Coelestino dieser schweren Sünde erkenntnis/
das er anderer zungen vnd lesterungen folget.

Als diesen allen erschäinet/Das die Bekenntis D. Coe-
lestini/nicht richtig/verworren/gestunmelt/voller falscher
leren/ vnnützer wort vnd grosser Sünden ist.

WAnnen dervwegen vnser liebe Kirche / vnd andere
Gottfürchtende leute / das sie solche verworrene/ verdrehe-
te/auffschrauben gesetzte/gefährliche/ vnd verlippte Bücher
derer/so den verdampften Schwarm der Manicheer vertei-
digen/ vnd in die Kirche Christi mit geschmierten worten
einschieben wollen/ mit Christlichen euer / in warer Gots-
tes fürcht fliehen vnd meiden wollen/ vnd nicht einem
jeglichen wind sich hin vnd her wehen lassen/ vnd
bey reiner erkantter Wahrheit / vnd bey dem lie-
ben/haligen Catechisimo bleiben/Darzu ge-
be Gott allen/ vnd einem jeden seine
Gnade vnd heiligen Geist

AMEN.

Theologi Professores, Super-
intendens & Pastor
zu Jhena.

Johannes Wigandus D.
Eilemanus Heshusius D.
Timotheus Kirchner D.

1740

64

Handwritten text, likely a list or account, starting with "Item" and "per".

Handwritten text, likely a list or account, starting with "Item" and "per".

Handwritten text, likely a list or account, starting with "Item" and "per".

Handwritten text, likely a list or account, starting with "Item" and "per".

Handwritten text at the bottom of the page, possibly a signature or date.

